

"Қазақстан Республикасының Ұлттық қорынан 2021 жылға арналған нысаналы трансферт бөлу туралы" Қазақстан Республикасы Президентінің 2020 жылғы 6 қазандағы № 429 Жарлығына өзгеріс енгізу туралы" Қазақстан Республикасының Президенті Жарлығының жобасы туралы

Қазақстан Республикасы Үкіметінің 2021 жылғы 23 сәуірдегі № 264 қаулысы

Қазақстан Республикасының Үкіметі **ҚАУЛЫ ЕТЕДІ:**

"Қазақстан Республикасының Ұлттық қорынан 2021 жылға арналған нысаналы трансферт бөлу туралы" Қазақстан Республикасы Президентінің 2020 жылғы 6 қазандағы № 429 Жарлығына өзгеріс енгізу туралы" Қазақстан Республикасының Президенті Жарлығының жобасы Қазақстан Республикасы Президентінің қарауына енгізілсін.

*Қазақстан Республикасының
Премьер-Министрі*

А. Мамин

"Қазақстан Республикасының Ұлттық қорынан 2021 жылға арналған нысаналы трансферт бөлу туралы" Қазақстан Республикасы Президентінің 2020 жылғы 6 қазандағы № 429 Жарлығына өзгеріс енгізу туралы

ҚАУЛЫ ЕТЕМІН:

1. "Қазақстан Республикасының Ұлттық қорынан 2021 жылға арналған нысаналы трансферт бөлу туралы" Қазақстан Республикасы Президентінің 2020 жылғы 6 қазандағы № 429 Жарлығына мынадай өзгеріс енгізілсін:

1-тармақ мынадай редакцияда жазылсын:

"1. Қазақстан Республикасының Ұлттық қорынан 2021 жылға арналған республикалық бюджетке 1 850 000 000 000 (бір триллион сегіз жүз елу миллиард) теңге мөлшерінде нысаналы трансферт, оның ішінде:

1) Тұрғын үй-коммуналдық дамудың 2020 – 2025 жылдарға арналған "Нұрлы жер" мемлекеттік бағдарламасы шеңберінде тұрғын үй құрылысы саласындағы іс-шараларды іске асыруға – 204 611 478 мың теңге;

2) Тұрғын үй-коммуналдық дамудың 2020 – 2025 жылдарға арналған "Нұрлы жер" мемлекеттік бағдарламасы шеңберінде тұрғын үй-коммуналдық шаруашылық саласындағы іс-шараларды іске асыруға – 146 103 459 мың теңге;

3) Өңірлерді дамытудың 2025 жылға дейінгі мемлекеттік бағдарламасы шеңберінде моноқалалар мен өңірлерде іс-шараларды іске асыруға – 140 008 510 мың теңге;

4) облыстық бюджеттерге, республикалық маңызы бар қалалардың, астананың бюджеттеріне газ тасымалдау жүйесін дамытуға берілетін нысаналы даму трансферттеріне – 39 572 751 мың теңге;

5) Ақмола облысының бюджетіне, республикалық маңызы бар қалалардың, астананың бюджеттеріне қалалардың шеткі аумақтарындағы әлеуметтік және инженерлік инфрақұрылымды дамытуға берілетін нысаналы даму трансферттеріне – 28 600 000 мың теңге;

6) жылу-, электр энергетикасын дамытуға – 18 843 890 мың теңге;

7) тегін медициналық көмектің кепілдік берілген көлемін қамтамасыз етуге – 632 065 241 мың теңге;

8) әскери қызметшілерді, құқық қорғау органдарының қызметкерлерін және олардың отбасы мүшелерін емдеу бойынша көрсетілетін қызметтерге – 1 467 182 мың теңге;

9) қоғамдық тәртіпті қорғауға және қоғамдық қауіпсіздікті қамтамасыз етуге – 19 738 187 мың теңге;

10) қылмыстық-атқару жүйесінің қызметін ұйымдастыруға – 6 501 484 мың теңге;

11) Қазақстан Республикасы Ішкі істер министрлігінің кадрларын оқытуға, біліктілігін арттыруға және қайта даярлауға – 476 291 мың теңге;

12) экология, геология және табиғи ресурстар саласындағы қызметті үйлестіру бойынша көрсетілетін қызметтерге – 704 308 мың теңге;

13) қоршаған ортаның сапасын тұрақтандыруға және жақсартуға – 300 000 мың теңге;

14) су ресурстарын тиімді басқаруға – 13 488 105 мың теңге;

15) орман ресурстары мен жануарлар дүниесін басқаруға, сақтау мен дамытуды қамтамасыз етуге – 2 577 184 мың теңге;

16) ақпарат және қоғамдық даму саласындағы мемлекеттік саясатты қалыптастыруға – 606 168 мың теңге;

17) қоғамдық келісім саласындағы мемлекеттік саясатты іске асыруға – 188 293 мың теңге;

18) мемлекеттік ақпараттық саясатты жүргізуге – 477 092 мың теңге;

19) азаматтық қоғам институттары мен мемлекеттің өзара қарым-қатынасын нығайтуды қамтамасыз етуге – 183 693 мың теңге;

20) мемлекеттік жастар және отбасы саясатын іске асыруға – 24 000 мың теңге;

21) "QazExpoCongress" ұлттық компаниясы" акционерлік қоғамына нысаналы аударымға – 307 794 мың теңге;

22) қазақстандық тауарлардың экспортын сыртқы нарықтарға жылжытуға жәрдемдесуге – 856 312 мың теңге;

23) жүк техникасының жетекші белдіктерінің басты берілістерін өндіру жөніндегі жобаны қаржыландыру үшін "Өнеркәсіпті дамыту қоры" акционерлік

- қоғамына кейіннен кредит бере отырып, "Бәйтерек" ұлттық басқарушы холдингі" акционерлік қоғамына кредит беруге – 20 000 000 мың теңге;
- 24) қаржылық қызметтердің қолжетімділігін арттыруға – 21 783 741 мың теңге;
- 25) өсімдік шаруашылығы өнімін өндіруді, өткізуді дамыту үшін жағдай жасауға – 8 780 000 мың теңге;
- 26) блыстық бюджеттерге нәтижелі жұмыспен қамтуды және жаппай кәсіпкерлікті дамытуға кредит беруге – 15 334 948 мың теңге;
- 27) Солтүстік Қазақстан облысының облыстық бюджетіне "Солтүстік" әлеуметтік-кәсіпкерлік корпорациясы" акционерлік қоғамының жарғылық капиталын ұлғайтуға берілетін нысаналы даму трансферттеріне – 15 000 000 мың теңге;
- 28) еңбек, жұмыспен қамту, халықты әлеуметтік қорғау және халықтың көші-қоны саласындағы мемлекеттік саясатты қалыптастыруға – 701 588 мың теңге;
- 29) облыстық бюджеттерге, республикалық маңызы бар қалалардың, астананың бюджеттеріне мемлекеттік ұйымдардың: стационарлық және жартылай стационарлық үлгідегі медициналық-әлеуметтік мекемелердің, үйде қызмет көрсету, уақытша болу, жұмыспен қамту орталықтарында жұмыс істейтін жұмыскерлердің еңбекақысын көтеруге – 22 935 841 мың теңге;
- 30) Жұмыспен қамтудың 2020 – 2021 жылдарға арналған жол картасының іс-шараларын іске асыруға – 68 448 659 мың теңге;
- 31) "электрондық үкіметті", инфокоммуникациялық инфрақұрылымды және ақпараттық қауіпсіздікті дамытуға – 2 056 156 мың теңге;
- 32) еліміздің мемлекеттік геодезиялық және картографиялық қамтамасыз ету жүйесінің деңгейін арттыруға – 2 352 109 мың теңге;
- 33) ғарыш қызметі және ақпараттық қауіпсіздік саласындағы қолданбалы ғылыми зерттеулерге – 617 289 мың теңге;
- 34) мектепке дейінгі тәрбие мен оқытудың қолжетімділігін қамтамасыз етуге – 4 044 853 мың теңге;
- 35) сапалы мектеп біліміне қолжетімділікті қамтамасыз етуге – 370 251 мың теңге;
- 36) ғылыми және (немесе) ғылыми-техникалық қызмет субъектілерін базалық қаржыландыруға – 351 311 мың теңге;
- 37) жоғары және жоғары оқу орнынан кейінгі білімі бар кадрлармен қамтамасыз етуге – 9 077 778 мың теңге;
- 38) ғылымды дамытуға – 9 791 992 мың теңге;
- 39) жоғары, жоғары оқу орнынан кейінгі білімі бар мамандарды даярлауға және білім алушыларға әлеуметтік қолдау көрсетуге – 5 148 977 мың теңге;
- 40) арнайы медициналық резервті сақтауды қамтамасыз етуге және денсаулық сақтау инфрақұрылымын дамытуға – 24 413 363 мың теңге;
- 41) қоғамдық денсаулықты сақтауға – 216 000 мың теңге;

42) облыстық бюджеттерге, республикалық маңызы бар қалалардың, астананың бюджеттеріне жергілікті атқарушы органдардың денсаулық сақтау саласындағы ұйымдары жұмыскерлерінің жалақысын көтеруге берілетін ағымдағы нысаналы трансферттерге – 113 127 мың теңге;

43) мәдениет және өнер саласының бәсекеге қабілеттілігін арттыруға, қазақстандық мәдени мұраны сақтауға, зерделеу мен танымал етуге және архив ісін іске асырудың тиімділігін арттыруға – 8 396 782 мың теңге;

44) бұқаралық спортты және ұлттық спорт түрлерін дамытуды қолдауға – 1 674 569 мың теңге;

45) жоғары жетістіктер спортын дамытуға – 3 506 604 мың теңге;

46) спорттағы дарынды балаларды оқытуға және тәрбиелеуге – 1 241 574 мың теңге;

47) мәдениет және өнер саласында кадрлар даярлауға – 21 932 мың теңге;

48) ұлттық туристік өнімді қалыптастыруға және оны халықаралық және ішкі нарықта ілгерілетуге – 500 000 мың теңге;

49) туризм саласында кадрлар даярлау үшін білім беру қызметін ұйымдастыру бойынша көрсетілетін қызметтерге – 36 821 мың теңге;

50) "Халықаралық туризм және қонақжайлылық университеті" коммерциялық емес акционерлік қоғамының жарғылық капиталын ұлғайтуға – 773 831 мың теңге;

51) инвестицияларды тарту, экономикалық саясатты дамыту, табиғи монополиялар субъектілерінің қызметін реттеу, өңірлік даму және кәсіпкерлікті дамыту саласындағы қызметті үйлестіру бойынша мемлекеттік саясатты қалыптастыру жөніндегі қызметтерге – 879 785 мың теңге;

52) облыстық бюджеттерге, республикалық маңызы бар қалалардың, астананың бюджеттеріне облыс орталықтарында, Нұр-Сұлтан, Алматы, Шымкент, Семей қалаларында және моноқалаларда кәсіпкерлікті дамытуға жәрдемдесуге кредит беруге – 750 000 мың теңге;

53) ұлттық экономиканың бәсекеге қабілеттілігі мен орнықтылығын қамтамасыз ету үшін "Самұрық-Қазына" ұлттық әл-ауқат қоры" акционерлік қоғамының жарғылық капиталын ұлғайтуға – 9 923 089 мың теңге;

54) "Бизнестің жол картасы – 2025" бизнесті қолдау мен дамытудың мемлекеттік бағдарламасы және Басым жобаларға кредит беру тетігі шеңберінде іс-шараларды іске асыруға – 57 487 747 мың теңге;

55) облыстық бюджеттерге, республикалық маңызы бар қалалардың, астананың бюджеттеріне Жұмыспен қамтудың 2020 – 2021 жылдарға арналған жол картасы шеңберінде кәсіпкерлік бастамаларды іске асыру үшін кредит беруге – 22 500 000 мың теңге;

56) Қарағанды облысының бюджетіне жылумен жабдықтау жүйелерін дамытуға берілетін нысаналы даму трансферттеріне – 5 000 000 мың теңге;

57) тұрақты авиатасымалдарды субсидиялауға – 3 044 274 мың теңге;

- 58) өнеркәсіп саласындағы технологиялық сипаттағы қолданбалы ғылыми зерттеулерге – 700 000 мың теңге;
- 59) өнеркәсіп салаларын дамытуға жәрдемдесуге – 3 110 948 мың теңге;
- 60) ортақ пайдаланылатын автомобиль жолдарын жөндеуге және олардың сапасын жақсартуға бағытталған күтіп-ұстауды ұйымдастыруға – 130 835 905 мың теңге;
- 61) азаматтық авиация мен әуе көлігін дамытуға – 6 226 676 мың теңге;
- 62) тұрғын үй құрылысы жинақ ақшасына салымдар бойынша сыйлықақылар төлеуге – 20 000 000 мың теңге;
- 63) облыстық бюджеттерге, республикалық маңызы бар қалалардың, астананың бюджеттеріне жылумен, сумен жабдықтау және су бұру жүйелерін реконструкциялауға және салуға кредит беруге – 7 115 953 мың теңге;
- 64) сәулет, қала құрылысы және құрылыс қызметін жетілдіру жөніндегі іс-шараларды іске асыруға – 89 766 мың теңге;
- 65) алдын ала және аралық тұрғын үй қарыздарын беру үшін "Қазақстанның тұрғын үй құрылыс жинақ банкі" акционерлік қоғамына бюджеттік кредит беруге – 20 000 000 мың теңге;
- 66) облыстық бюджеттерге, республикалық маңызы бар қалалардың, астананың бюджеттеріне Қазақстан Республикасының туристік саласын дамытудың 2019 – 2025 жылдарға арналған мемлекеттік бағдарламасы шеңберінде сумен жабдықтау және су бұру жүйелерін дамытуға берілетін нысаналы даму трансферттеріне – 3 327 302 мың теңге;
- 67) Қарағанды облысының бюджетіне автомобиль шиналарын өндіру жөніндегі жобаны іске асыру мақсатында "Сарыарқа" әлеуметтік-кәсіпкерлік корпорациясы" акционерлік қоғамының жарғылық капиталын ұлғайту үшін берілетін нысаналы даму трансферттеріне – 20 000 000 мың теңге;
- 68) "Қарағанды облысының Саран қаласында шина өндірісін ұйымдастыру" жобасын лизингтік қаржыландыру үшін кейіннен "Өнеркәсіпті дамыту қоры" акционерлік қоғамына кредит бере отырып, "Бәйтерек" ұлттық басқарушы холдингі" акционерлік қоғамына кредит беруге – 20 000 000 мың теңге;
- 69) Қостанай облысының бюджетіне машина жасау саласындағы жобаларды іске асыру мақсатында "Тобыл" әлеуметтік-кәсіпкерлік корпорациясы" акционерлік қоғамының жарғылық капиталын ұлғайтуға нысаналы даму трансферттеріне – 8 000 000 мың теңге;
- 70) облыстық бюджеттерге аудандық маңызы бар қалалардың, ауылдардың, кенттердің, ауылдық округтердің әкімдерін сайлауды қамтамасыз ету және өткізуге берілетін ағымдағы нысаналы трансферттерге – 4 721 712 мың теңге;
- 71) Қазақстан Республикасының Президенті Іс Басқармасының медицина ұйымдарының қызметін қамтамасыз етуге – 895 325 мың теңге бөлінсін".

2. Осы Жарлық қол қойылған күнінен бастап қолданысқа енгізіледі.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК